



O'ZBEKISTON OVOZI

2012-yil, 2-fevral. Payshanba 14 (31.446)

Ijtimoiy-siyosiy gazeta

1918-yil 21-iyundan chiqa boshlagan

www.uzbekistonovozi.uz

Таълим

МАКТАБ ТАЪЛИМИ — КЕЛАЖАК ПОЙДЕВОРИ

Таълим Ўзбекистон Республикаси ижтимоий тараққиёти соҳасида устувор деб эълон қилинади.

(Ўзбекистон Республикасининг «Таълим тўғрисида»ги қонундан)

Ўзбекистон — ҳар жиҳатдан бой мамлакат. Унинг табиий бойликларидан-да қадрироқ ҳазинаси — бой маънавий мероси, зиёли халқи ва интеллектуал салоҳиятли ёшлари бор.

Бу бойлиқни асраб-авайлаш ва янада ривожлантириш давлатимиз сиёсатининг устувор йўналишларидан бирidir. Президентимиз Ислам Каримов раҳнамолигида мамлакатимиз мустақиллиги қўлга киритилганининг илк кунлариданоқ, кўплаб иқтисодий-ижтимоий муаммолар мавжудлигига қарамай, таълим тизимини ислоҳ қилишга биринчи галдаги вазифа сифатида эътибор қаратилгани бежиз эмас.

Давлатимиз раҳбари «Юксак маънавият — энгилмас куч» китобида таълимнинг келажак пайдоқилиши билан даргоҳларда яратилади, бошқача айтганда, халқимизнинг эртанги кунини қандай бўлиши фарзандларимизнинг бугун қандай таълим ва тарбия олишига боғлиқ.

МЕН ҚАЧОН МАКТАБГА БОРАМАН?

Президентимизнинг бевосита раҳнамолигида ишлаб чиқилган «Таълим тўғрисида»ги қонун ва Қарорлар тўғрисида Миллий дастури соҳада туб бурилиш ясаши имконини берди, мамлакатимизда устувор таълим тизимининг «Ўзбек модели»га асос солинди.

Дастур ижросининг биринчи (1997-2001 йиллар) босқичида кадрлар тайёрлаш тизимининг мавжуд ижобий томонларини сақлаб қолиш баробарида уни тубдан ислоҳ қилиш ва ривожлантириш, илмий-услубий ҳамда иқтисодий шарт-шароитларни яхшилашга қаратилган улкан ишлар амалга оширилди. 2001-2005 йиллар давомида ҳаётга татбиқ этилган иккинчи босқичда таълим тизимининг жамиятдаги ўзгариш ва янгиланишлар,

барча соҳаларда кадрларга доир мавжуд эҳтиёж билан уйғун бўлишига эришилди.

Мазкур дастурнинг мантқиқий давоми бўлиши 2004-2009 йилларда Мактаб таълимини ривожлантириш давлат умуммиллий дастурида мактабларнинг моддий-техник базасини мустаҳкамлаш ва узлуксиз таълимнинг ягона тизимини шакллантиришга эътибор қаратилди. Бу таълим сифати ва самарадорлигини янада оширди.

Ўзбекистон раҳбари Ислам Каримов 1990 йил 4 июнда бўлиб ўтган йўналишлардан бирида шундай долзарб масалаларга эътиборни қаратган эди: «Ижтимоий инфраструктура тармоқлари: соғлиқни сақлаш, халқ таълими, мактабга бола-лар муассасалари жуда оғир аҳволга тушиб қолган. Мактаб ва касалхоналарнинг 60 фоизи ноёп биноларда жойлаштирилганини айтишнинг ўзи кифоя. ...Инсоннинг ҳар томонлама уйғун камол топиши, унинг шахс сифатида маънавий ривожланиши бир ёқда турсин, кўпинча яшаш учун керак бўлган энг оддий нарсалар ҳам етишмайпти». (Ислам Каримовнинг «Ўзбекистон мустақилликка эришиш оstonасида» китобидан).

Бугун юртимиз шаҳару қишлоқларида кадр ростлаётган ишлаб чиқариш корхоналари, замонавий лойиҳалар асосидаги уй-жойлар кўрғига кўрк кўшиб, мухташам таълим масканлари ҳам бунёд этилаётган. Улардаги замонавий компьютер синфлари, зарур ўқув-методик адабиётлар, турли хил лаборатория ускуналари, спорт заллари фарзандларимизнинг маънан ҳамда жисмонан баркамол бўлиб улғайишига хизмат қилмоқда.

(Давоми 3-бетда.)

ЎзХДП: Бошланғич ташкилот — асосий таянч



ЭЪТИҚОДЛИ ЁШЛАР ҲИСОБИГА

партия воялари амалга ошади

Ҳамза туман партия кенгаши таркибида 76 та бошланғич партия ташкилоти фаолият олиб боради. Кенгаш раиси **Озода Бузрукхўжаева** куйи бўгин фаолияти ҳақида шундай дейди:

— Бошланғич ташкилотларнинг фаоллиги партия-миз дастурий мақсадларини амалга оширишда муҳим аҳамиятга эга. Уларни кучайтирмай туриб, кўзланган мақсадга эришиш қийин. Шу боис барча бошланғич ташкилотларнинг фаолиятини изчил йўлга қўйишга ҳаракат қиламиз. Айниқса, соғлиқни сақлаш муассасалари ва маҳалла фуқаролар йиғинларидаги БПТлар анча фойдаланиш.

Тумандаги И.Оргазев номи 4-шаҳар клиник шифохонасида фаолият юритаётган бошланғич ташкилотнинг 65 нафар аъзоси бор. Аксарияти ёшлардан иборат. Янги ишга келганлар билан суҳ-

батлашиб, ЎзХДП дастури ва го-я-мақсадлари билан таништириб борилади. 2011 йилда 20 нафарга яқин ёшлар партия аъзоллигига қабул қилинди.

— Мен 2011 йилда тиббиёт коллежини битирдим ва шу шифохонага ишга жойлашдим. — дейди ҳамшира Зулфия Ҳайдарова. — ЎзХДП-нинг дастури билан танишдим. Айниқса, «Истиқбол» ёшлар қаноти лойиҳаси бўлган «Еш сиёсатчи» кўрик-танлови менга ёқди. Келгусида унда иштирок этиш ниятидаман. Шу боис партияга аъзо бўлишга қарор қилдим.

— Бошланғич ташкилотимизда сиёсий ва фуқаролик

маърифати тизимидаги сиёсий ўқувларни ўтказишга алоҳида эътибор берамиз, — дейди БПТ раиси Шоира Алимова. — Масалан, «20 йиллик мустақиллик семинари» демократик ислохотлар ҳамда янгиланиш жараёнларида ЎзХДП вазифалари ва иштирокчи фаолиятини мавзусидаги семинар барчада қизиқиш уйғотди. Айниқса, Президентимиз Ислам Каримовнинг «Ўзбекистон мустақилликка эришиш оstonасида» китобига бағишланган семинар иштирокчиларда катта таассурот қолдирди. Семинар машғулотлари раёнида «Ўзбекистон мустақилликни қўлга киритиш арафасида ёхуд шўроларнинг сўнгги талвасаси» номи хужжатли фильм намойиш этилди. Унинг мазмун-моҳияти қизгин муҳокама қилинди. Айтиш жоизки, бу фильм ёшларни мустақиллик го-яларини дилга жо этиб,

Ватан салоҳиятини оширишга, уни кўз қорачигидек асрашга ундаши билан қимматлидир.

Дарҳақиқат, БПТ аъзолари турли тадбирлар ташкил этишади, партия ҳаётида рўй бераётган янгиланишларни муҳокама қилишади. Хусусан, ўтказилаётган давра суҳбатлари ва сиёсий ўқувларда партия го-яларини тарғиб қилиш билан бирга, ёшларнинг сиёсий ва ҳуқуқий билимини оширишга алоҳида эътибор берилди. Яқинда Мустаҳкам оила йилида амалга оширилаётган ишлар ҳам режалаштириб олинди.

Элмурод ЭГАМҚУЛОВ, «Ўзбекистон овози» мухбири.

Суратда: БПТ етакчиси Шоира Алимова (ўндан иккинчи) партиядошлар билан.

Муродбек ЗИЁ олган сурат.

Оила ҳақидаги ҳикमतлар

Ҳар қандай жамиятнинг фаровонлиги ва маънавий соғломлигининг мезони — бу оиланинг аҳиллиги, оиланинг мустаҳкамлигидир.

Оила — ҳар қандай одама парвоз учун қанот берадиган муқаддас кўрғон.

Ислам КАРИМОВ

Эътироф

Касбим фармацевт. Ўзбекистонга иккинчи марта келишим. Ўзбекистон — тиббиёт бешиги, десам, хато бўлмайди. Боиси дунё тиббиёти ривожига беқиёс ҳисса қўшган буюк олим ва мутафаккир **Абу Али ибн Сино** шу юрт фарзанди. Бу аллома қолдирган бой меросдан замонавий тиббиётда жaxon микёсида кенг фойдаланилмоқда.

Олдинги сафарим чоғида дунёга машҳур Самарқандни кўриш, у ердаги бебаҳо тарихий ёдгорликлар, меъморий обидалар ва муқаддас қадимларнинг зиёрат қилиш бахтига муассар бўлган эдим. Самарқандда кўрган ва эшитганларим бир умр ёдимда қолди. Айниқса, Регистон ансамбли, Тиллақори мадрасаси, ундаги нафис безаклар ва тилла билан зарҳалланган сержило ёзувлар мени ҳайратда қолдирди.

Юртингдаги файли ва осуда ҳаёт, фаровон турмуш, батариб ва тўкин бозорлар бoshқа мамлакатларда қаш учрайди.

Хариндер СЕТХ, (Ҳиндистон).

Озод юртнинг обод уйлари

УЙ-ЖОЙ ҚУРИЛИШИДА ЯНГИ ИМКОНИАТЛАР

Президентимиз Ислам Каримов Ўзбекистон Республикаси Вазирлар Маҳкамасининг 2011 йилнинг асосий яқунлари ва 2012 йилда мамлакатимизни ижтимоий-иқтисодий ривожлантиришнинг устувор йўналишларига бағишланган мажлисидаги «2012 йил Ватанимиз тараққиётини янги босқичга кўтарадиган йил бўлади» маърузасида қишлоқ жойларда намунавий лойиҳалар асосида уй-жойлар қуриш бўйича давлат дастурини амалга ошириш масаласига алоҳида эътибор қаратди.



Давлатимиз раҳбари таъкидлаганидек, «Қишлоқ қурилиш банк» томонидан унинг ўз маблағлари ва Осие тараққиёт банкнинг заём маблағлари ҳисобидан намунавий лойиҳалар асосида яқна тартибдаги уй-жойларни қуриш учун кредитлар қишлоқ аҳолисига имтиёзли шартларда, 15 йил муддатга йиллик 7 фоизли ставка бўйича берилмоқда. Бу эса тижорат банк-

ларининг ипотека кредитлари ставкасининг қарийб икки баробар кам бўлиб, моҳият эътибори билан қишлоқда яшаётган оилаларга катта имтиёз ва имконият яратиб беришга қаратилгандир.

Бугунги кунда қишлоқларда банкнинг имтиёзли кредит маблағлари ҳисобидан барпо этилаётган ҳовли, томорқа ва ёрдамчи хўжалик биноларига эга уй-жойлар-

нинг афзалликлари ҳақида гапиришга ҳожат йўқ. Бугун кенг ва баҳаво табиат кўйида шаҳар услубида қурилган замонавий уйлардан иборат, қишлоқ инфратизимининг барча элементлари — кўча ва йўللари, газ, электр, шунингдек, сугориш тармоқларига эга бўлган янги массивлар тобора кўпаймоқда.

Утган икки йилдан зиёдроқ вақт мобайнида Жиззах вилоятида намунавий лойиҳалар асосида 745 уй-жой қурилиб, фойдаланишга топширилди. Ҳар томонлама қулай лойиҳалар асосида, замонавий қурилиш ашёларидан қурилган бундай уйларда яшашни истовчилар кўпайиб бораётган. Айни пайтда кўпчиликни ушбу уйларнинг нархи, кредит олиш ва уни қайтариш тартиблари қизиқтирмоқда.

Яқинда Жиззах шаҳрида «Қишлоқни комплекс ривожлантириш, намунавий уй-жой қурилиш дастури» лойиҳаси бўйича ўтказилган минтақавий семинар-тренингда ушбу лойиҳани амалга оширишда Осие тараққиёт банкнинг асосий ҳам-

корлари бўлган маҳаллий ҳокимликлар ва республика «Қишлоқ қурилиш банк»нинг вазифалари муҳокама этилди.

Жиззах ва Сирдарё вилоятлари шаҳар ва туман ҳокимларининг биринчи ўринбосарлари, хотин-қизлар кўмиталарининг раислари, қишлоқ фуқаролар йиғинлари раислари, кенг жамоатчилик вакиллари иштирок этган мазкур тадбирда Осие тараққиёт банки вакили У.Абдурахмонов, республика «Қишлоқ қурилиш банк»нинг уй-жой департаменти директори З.Жўраева ва бошқа мутахассислар томонидан ушбу лойиҳани амалга оширишда хориж инвестициясидан фойдаланиш тартиби тўғрисида батафсил тушунча ва маълумотлар берилди.

Жорий йилда амалга оширилиши мўлжалланаётган ушбу дастур бўйича семинар иштирокчиларини қизиқтираётган барча саволларга тегишли мутахассислар атрофида жавоб қайтарди.

Т.БЕКНАЗАРОВ, ЎЗА мухбири.

Спорт

Грециянинг Салоники шаҳрида кураш бўйича Ислам Каримов халқаро турнири бўлиб ўтди. Сақизинчи маро-батга ўтказилган нуфузли мусобақада дунёнинг йигирма мамлакатидан келган энг кучли полвонлар го-блиблик учун гиламга тушди.

Европа ва жаҳонда курашнинг жадал тараққи этишига хизмат қилаётган мазкур турнирда

САЛОНИКИДА КУРАШ БАЙРАМИ

голиб ва совриндорлар номи мутлак вазн тоифасида аниқланди. Эътиборлиси, ҳар бир беллашув мурасимсиз кечди. Бош соврин мезонлар вакили Василиос Иллиадисга насиб этди. У финалда ҳамюрти Дионисис Иллиадисни мағлубиятга учратди. Шохсупанинг учинчи поғонасига грузиялик Георгий Иядзе ҳамда болгариялик Иван Илиев кўтарилди.

Ҳамюртларимиз Илғор Асадов ҳамда Элибой Ибрагимов беллашуларда қўллаган усуллар кураш муҳлисарида катта таассурот қолдирди.

Мусобақа кунлари Европа кураш конфедерациянинг йиғилиши ҳам бўлиб ўтди. Унда кўхна қитъада курашни янада ривожлантириш режаси ишлаб чиқилди.

Эркин ХОЛБОБО

Истиқлол имкониятлари

СИФАТЛИ ХИЗМАТ — МУВАФФАҚИЯТЛАР ОМИЛИ



Мамлакатимизда телекоммуникация соҳасини изчил ривожлантиришга қаратилган эътибор аҳолининг кенг ва тизимли асосда ахборот олишнинг таъминлашда, чекка ҳудудларда ҳам алоқа хизмати сифатини яхшилашга хизмат қилмоқда.

«Ўзбектелеком» акциядорлик компаниясининг Қорақалпоғистон Рес-

публикаси филиалига қарашли Хўжайли тумани алоқа бўлими томонидан кўрсатилаётган хизматдан аҳоли мамнун. Етмиш киши меҳнат қилаётган корхона жамоаси ҳозир олис овулларда яшовчи аҳолига қулайлик яратиш мақсадида симсиз алоқа хизматини кенг йўлга қўйишга доир ишларни олиб бормоқда.

Арслон КАНАЗАРОВ (ЎЗА) олган сурат.

ЎзХДП: сиёсий ва фуқаролик маърифати

ЎҚУВЛАРНИНГ ТАЪСИРЧАНЛИГИ

мавуларнинг долзарблигига боғлиқ

■ Сиёсий партияларнинг серкирра фаолиятида тарғибот-ташвиқот, оммавий-сиёсий ишлар доимий ва устувор йўналишлардан бири ҳисобланади. Хусусан, мамлакатимизда амалга оширилаётган иш-хотларга электоратни кенг жалб этиш, уларнинг сиёсий ва ҳуқуқий билимини ошириш каби вазифалар партиялар олдида турган масъулиятли ишдир. Ўзбекистон ХДП Марказий Кенгаши ва унинг минтақавий ташкилотларида 2006 йилдан бери мунтазам ўтказилиб келинаётган сиёсий ва фуқаролик маърифати тизимидagi сиёсий ўқув семинарлардан кўзланган мақсад — шу.

Айтиш ўринлики, сиёсий ўқув машғулотида мақсадлилик, мунтазамлик, кенг қўламлилик, серкирралик ва ранг-барангликка алоҳида аҳамият берилмоқда. Уларда Ватан ва халқ, хусусан, электорат манфаатини ифодалаш ва ҳимоя этиш, демократик жараёнларни чуқурлаштириш, тинчлик ва миллатлараро тотувлик муҳитини авайлаб-асраш, фуқаролар ва давлат хавфсизлигини таъминлаш каби турли масалаларга урғу берилмоқда. Ўз ўрнида машғулотларнинг таъсирчанлиги ўтиши ҳам унинг самарали бўлишини таъминлаётган.

Агар мавзуга ЎзХДП Навоий вилоят кенгаши ва унинг минтақавий ташкилотларида ўтказилган сиёсий ва фуқаролик маърифати тизимидagi машғулотлар мисолида ёндашадиган бўлсак, 2011 йил давомида жами 82 марта сиёсий ўқув бўлиб ўтган. Хар бир туман ва шаҳар кенгаши ўртача 6-10 марта машғулот ўтказган.

— Хар йилнинг бошида вилоят партия кенгаши ҳузуридagi тарғиботчилар гуруҳи ҳамда экспертлар гуруҳининг янги таркиби тасдиқланади, — дейди вилоят партия кенгаши бўлим бошлиғи Майрам Расулова. — Бу гуруҳлар белгиланган режа ва мавзу асосида жойларда сиёсий ўқув ташкил этишди. Албатта, машғулотда кўтарилган мавзу долзарб бўлиб, унинг таъсирчанлигини ошириш ва электоратга тазароқ этиб бориши учун партия фаолларидан ташқари тегишли мутахассисларни ҳам тақлим этишди. Сиёсий семинарлар асосан учрашув, мунозара, очик мулоқот, савол-жавоб, кичик гуруҳларда ишлаш,



турли тренинглар ва интерфаол усулда бўлиб ўтади. Биз, айниқса, сиёсий ўқувлар бошланғич партия ташкилотларида ўтказилишига ҳаракат қиламиз.

Дарҳақиқат, эътибор берадиган бўлсак, 2011 йилда БПТларда 369 марта сиёсий семинар ўтказилган, уларда 90 минг нафардан ортиқ электорат вакили иштирок этган. Бу агар кўйи бўғинлар электоратга энг яқин ташкилот деб ҳисобласак, партия дастурий мақсадларининг аҳоли ўртасига чуқурроқ кириб боришига хизмат қилаётганидан далолат беради.

Президентимиз илгари сурган «Мамлакатимизда демократик ислохотларни янада чуқурлаштириш ва фуқаролик жамиятини ривожлантириш кон-

цепцияси»дан келиб чиққан ва партия ташкилотлари олдида турган вазифалар сиёсий машғулотларнинг асосини ташкил этди. Хусусан, демократик ислохотларда иштирок этиш, маҳаллий Кенгашлардаги ЎзХДП депутатлик гуруҳлари фаоллиги ва ташаббускорлигини янада ошириш, партия электорати манфаатларига жавоб берадиган, партия дастурий ҳужжатларида акс этган ижтимоий масалаларни жойларда ҳал этиш бў-

«ЎзХДПда ёшлар сиёсати» мавзудидаги сиёсий ўқувлар, айниқса, «Ёш сиёсатчи» кўрик-танловлари партия голярига хайрихоҳ истеъдодли ёшлар сафини оширмоқда. «20 йиллик мустақил тараққиёт: сиёсий партиялар фаолиятининг ҳуқуқий асослари, ЎзХДП имкониятлари ва истиқболдаги вазифалари» мавзудидаги сиёсий ўқувлар ҳам иштирокчиларда катта қизиқиш уйғотди. Чунки бугун ҳаммамиз обод ва овоз юрда яшаймиз. Бинобарин, қўлга киритилган ютуқлар ҳурлик ва овозлик маҳсули эканини дилдан ҳис этамиз. Сиёсий ўқувларда ана шу улуғ туйғуни фуқаролар, хусусан, ёшлар онгига сингдириш муҳим аҳамият касб этади.

— Сиёсий машғулотларда услубий қўламлалардан фойдаланиш яхши самара беради, — дейди вилоят партия кенгаши раиси ўринбосари Абдуқарим Ҳамроев. — Шунинг учун ЎзХДП Марказий Кенгаши тақдим этган барча услубий китобларни кўпайтириб, шаҳар ва туман кенгашларига тарқатдик. Биргина мисол: мавжуд адабиётларни умумлаштириб, маълумотнома-қўлалма тайёрладик ва уни минтақавий ташкилотларга юбордик. Бу ўз ўрнида сиёсий машғулот ўтказишга масъул бўлган партия фаолларининг ҳуқуқий билимини мустаҳкамламоқда.

— Сиёсий ўқувларни ўтказишда янги сиёсий технологиялардан фойдаланишга ҳаракат қиламиз, — дейди Майрам Расулова. — Лекин муаммолар ҳам йўқ эмас. Жумладан, Хатирчи, Навбахор ва Нурота туман кенгашларида компьютердан, электрон доскалар имкониятидан тўлиқ фойдаланилмапти.

Партияимиз голяларини қўллаб-қувватловчи кишилар ҳамда электорат вакиллари сиёсий билимини ошириш, уларда фаол фуқаролик позициясини шакллантириш, демократик ислохотларга дахлдорлик туйғусини кучайтириш каби қўллаб-қувватловчи мақсад қилган сиёсий ўқувлар, айтиш ўринлики, ўз олдидаги ўтиши уларнинг жонли ва таъсирчан бўлишини таъминлади.

(Ўз мухбиримиз).

2012 йил — Мустақкам оила йили

■ ЎзХДП Фаргона вилоят кенгаши ва халқ депутатлари маҳаллий Кенгашлардаги депутатлик гуруҳлари иштирокида қўшма йиғилиш бўлиб ўтди. Унда 2012 йилнинг Мустақкам оила йили деб эълон қилиниши муносабати билан партия ташкилотлари ва фаоллари олдида турган муҳим вазифалар муҳокама қилинди.

ЭЛЕКТОРАТ МАНФААТЛАРИ

амалий ишлар билан ҳимоя этилади

— Жорий йилда фаолиятимизнинг устувор йўналиши — ЎзХДПнинг маҳаллий ва бошланғич ташкилотлари, маҳаллий Кенгашлардаги депутатлик гуруҳларининг оилалар фаровонлиги ҳамда маънавий-ахлоқий кадрларини мустақамлашдаги иштирокини таъминлашдан иборат, — деди ЎзХДП вилоят кенгаши раиси Махмуджон Махаммов. — Аввало, жойларда ёш оилаларни моддий ва ижтимоий қўллаб-қувватлашга оид қўнулар ва бошқа давлат қарорлари бажарилишининг тизимли мониторингини ташкил этишимиз лозим. Хусусан, парламент қабул қилган 2012 йил янги иш жойлари ташкил этиш ва аҳоли бандлигини таъминлаш Дастурининг жойларда тўлиқ бажарилиши бўйича депутатлик назорати олиб борилиши керак.

— Биз эътибор қаратиш лозим бўлган яна бир масала — ёш оилаларда келинларни иш билан таъминлашидир. Буни ҳал қилишнинг қулай шакли — касаначилик, яъни уй меҳнати ривожлантириш, — деди вилоят Кенгаши депутати Фурқат Ҳомидов. — Бунинг учун вилоятимизда имконият етарли. Демак, биз депутатлар бу масалани ўрганиб, касаначилик шартлари бўйича асосли тақлифлар тайёрлаб, тегишли комиссия ва сессиялар муҳокамасига киритишимиз зарур.

Анжуманда сўзга чиққан Марказий банк Фаргона вилоят бош бошқармаси бўлим бошлиғи Акрамжон Турдон оилалар фаровонлигини таъминлашга қулай шартларни микрорекредитлар ҳажми 2012 йил янада ошишини айтиди.

— Кичик бизнес ва тадбиркорлик субъектларига вилоятдаги банклар 2011 йилда 253 миллиард сўм кредит ажратган бўлса, жорий йил бу рақам 300 миллиард сўмдан ошши кутилмоқда, — деди у. — Биз ўтган

йили илк бор касб-ҳунар коллежи битирувчиларига 2,9 миллиард сўм кредит ажратган эдик. Бу лойиҳалар ўзини оқлади. Уйлайманки, коллеж битирувчилари учун ЎзХДП Марказий Кенгаши ташаббуси билан ўтказилаётган иқтисодий форум туйғайи 2012 йилда бу кўрсаткич янада ортади.

— Партияимизнинг бу каби ташаббуси биз ёшлар олдида ҳам узига хос вазифалар қўйди, — деди ЎзХДП Қувватлашга оид қўнулар ва бошқа давлат қарорлари бажарилишининг тизимли мониторингини ташкил этишимиз лозим. Хусусан, парламент қабул қилган 2012 йил янги иш жойлари ташкил этиш ва аҳоли бандлигини таъминлаш Дастурининг жойларда тўлиқ бажарилиши бўйича депутатлик назорати олиб борилиши керак.

— 2011 йилда вилоятнинг 17 та шаҳар ва туман Кенгашларида ЎзХДП депутатлик гуруҳлари томонидан ўрганилган масалалар сессиялар кун тартибига киритилиб, партия электорати манфаатларини ҳимоя қиладиган қарорлар қабул қилинган яхши натижа, — деди Олий Мажлис Қонунчилик палатаси депутати, ЎзХДП фракция аъзоси Жўрақўзи Қўлдошев. — Аммо вилоятни ижтимоий-иқтисодий ривожлантириш дастуридаги қишлоқ аҳолиси учун уй-жой қурилиши, санатори маҳаллилаштириш масалаларида айрим туманларда ҳамон оксоқлик кузатиляпти. Туман партия ташкилотлари бу масалаларга етарлича эътибор бериши лозим.

Очик-ошкор, ўз-ўзини танқид ва баҳс-мунозара руҳида ўтган анжуманда Мустақкам оила йилидаги вазифалар белгилаб олинди.

Махмуджон ОБИДОВ,
«Ўзбекистон овози» мухбири.

ЖАМИЯТ ТАРАҚҚИЁТИ ВА ЖАМОАТЧИЛИК ФИКРИ

■ Президентимиз Ислам Каримов томонидан тақдим этилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида фуқаролик институтлари, нодавлат нотижорат ташкилотлар демократик қадриятлар, инсон ҳуқуқ ва эркинликлари ҳамда қонуний манфаатларини ҳимоя қилишнинг муҳим омилга айланаётгани алоҳида таъкидланган.

Мамлакатимизда бундай ташкилотлар нуфузи ошиб боргани сари фуқаролик жамияти институтларининг давлат ва ҳокимият тўғрисидаги фаолияти устидан таъсирчан жамоатчилик назоратини амалга оширишдаги роли тўбора мустақамланмоқда. Бугунги кунда жамоатчилик ва фуқаролик назорати институти жамиятнинг давлат билан ўзаро самарали алоқасини таъминлаш, одамларнинг кайфиятини, мамлакатда кечяётган ўзгаришларга муносабатини аниқлашнинг муҳим воситаларидан бирига айланимоқда.

«Ижтимоий фикр» жамоатчилик фикрини ўрганиш маркази ана шундай ташкилотлардан бири бўлиб, инсон ҳуқуқлари бўйича миллий институтлар ва бошқа бир қатор ташкилотлар билан ҳамкорлик асосида изчил фаолият олиб бормоқда. Пойтахтимизда мазкур марказнинг 2011 йилда амалга оширган ишлари таҳлили ва галдаги вазифаларига бағишлаб ташкил этилган йиғилишда бу алоҳида қайд этилди.

«Ижтимоий фикр» жамоатчилик фикрини ўрганиш маркази директори Р.Убайдуллаева ва бошқалар мамлакатимизни демократик янгилаш жараёнида фуқаролик институтларининг роли ва аҳамиятини кучайтиришга қаратилган эътибор ўз самараларини бераётганини таъкидлади. Юртимизда фуқароларнинг энг муҳим социал-иқтисодий муаммоларини ҳал этишга қаратилган икки юздан ортиқ қонун ҳужжатлари қабул

қилинган ҳам уларнинг изчил фаолият кўрсатишида муҳим аҳамият касб этаётган. Маълумки, Инсон ҳуқуқлари умумжаҳон декларациясида инсоннинг фикр эркинлиги ва уни эркин ифода этиш ҳуқуқи қамроғатланган. Ўзбекистонда жамият сиёсий тизимида янги ижтимоий-сиёсий муносабатларнинг вужудга келгани ва бу жараён ҳуқуқий негиз билан бирга, жамоатчиликнинг фикри асосида янада ривожлантириляётганлиги юртимизда демократик ҳуқуқий давлат ва очик фуқаролик жамияти изчил шаклланаётганининг амалдаги ифодасидир.

Президентимиз таъкидлаганидек, жамиятда ошқоралик ва очикликни таъминлаш масаласи жамоатчилик фикрини ўрганиш усул-усулларининг қай даражада ривожлангани билан ҳам бевосита боғлиқдир. Жамоатчилик фикри — фуқаролик жамиятининг ҳолатини ўзида аниқ акс эттирадиган ўзига хос кўзгудир.

Шу маънода, 2011 йилда марказ томонидан жамият ижтимоий-сиёсий, иқтисодий-ҳуқуқий, маънавий-маърифий ва бошқа соҳалари бўйича йиғирмага яқин ижтимоий сўров ўтказилди. Улардан энг муҳимларидан бири — бу Ватанимиз мустақиллигининг 20 йиллиги арафасида Ўзбекистон фуқароларининг ўтган давр давомида мамлакат ҳаётининг муҳим соҳаларида амалга оширилган кенг қўламли ўзгаришларга муносабатини аниқлашга қаратилган сўровдир. Унинг натижалари таҳ-

лики мамлакатимиз аҳолиси Президентимиз раҳнамолигида истиқлол йилларида амалга оширилган суд-ҳуқуқ ислохотлари самараларига юқори баҳо берганини кўрсатди. Сўралганларнинг фикрича, бу борадаги ютуқлар қонунчиликнинг тақомиллашгани, қонун устуворлиги таъминлиги қатъий амал қилинаётгани, фуқаролар мурожаати соҳасида, уларнинг шахсий хавфсизлигини таъминлаш, аҳоли ҳуқуқий маданиятининг ошиши, суд-ҳуқуқ тизимидаги ўзгаришларни ёритиш бўйича оммавий ахборот воситалари билан ишлашда ошқораликнинг таъминлигида ўз ифодасини топтомоқда.

Ижтимоий тадқиқотлар маълумотларига кўра, ўзини ҳуқуқий ҳимояланган деб биладиган фуқаролар сонини йил сайин кўпайтади. Мазкур сўровда қарийб 90 фоиз иштирокчилар айнан шундай жавоб берган. Аҳолининг фикрича, мамлакатимизда фуқароларнинг таълим олиш, тиббий ёрдамдан фойдаланиш, ижтимоий ҳимояга оид ҳуқуқлари таъминланмоқда, одамларнинг мулк, меҳнат қилиш, қадриятини ҳурмат қилиш билан боғлиқ ҳуқуқларига қатъий риоя этилмоқда.

Шунингдек, ўтган йил давомида «Оила ва жамият», «Оилавий бизнес», «Ёшлар ва ҳуқуқ», «Ўзбекистонда хотин-қизлар бандлиги», «Ёшларнинг ҳаётий қарашлари ва интилишлари», «Кичик бизнес ва хусусий тадбиркорликнинг ривожига банкларнинг ўрни», «Одам савдоси» каби мавзуларда жамоатчилик фикри кенг ўрганилди. Ушбу йўналишларда марказ томонидан йиғирмага яқин қўлалма ва илмий монография чоп этилди.

Йиғилишда 2012 йилда марказ томонидан амалга ошириладиган ишлар ва галдаги вазифалар белгилаб олинди.

Н.АБДУРАИМОВА,
ЎзА мухбири.

Танлов

■ Одамларнинг ҳуқуқий билим ва маданиятини юксалтирмай туриб, жамиятда қонуларга ҳурмат ва ислохотларга аҳолининг уйғоқ муносабатини шакллантириб бўлмайди. Буни ҳаётнинг ўзи кўрсатмоқда. Мамлакатимизда шундай ишлар қўламини кенгайтириш учун Адлия вазирлиги қатор лойиҳаларни амалга ошириб келмоқда.

БЎЛАЖАК ҲУҚУҚШУНОСЛАР БЕЛЛАШУВИ

Айниқса, ёшлар орасида «Ҳуқуқ билимдонлари», «Ёш ҳуқуқшунослар» танловлари ўтказилаётгани, унга 150 дан ортиқ коллеж ва лицей ёшлари жалб қилинганлиги диққатга сазовор. Адлия вазирлиги, Олий ва ўрта махсус таълим вазирлиги, «Ўзбекистон маданияти ва санъати форуми» жамғармаси ҳамкорликда яна бир лойиҳа — «Балли, ҳуқуқшунослар — 2012» кўрик-танлови ташкил этди. Танлов ҳуқуқшунослик соҳасига ихтисослашган олий таълим муассасалари талабалари ўртасида ўтказилди.

Қаюнда пойтахтдаги «Ёшлар ижод саройи»да мазкур танловнинг республика босқичи бўлиб ўтди. Унда ҳуқуқшунослик илм даргоҳлари, шунингдек, мазкур йўналиш мавжуд бўлган олий ўқув юртли жамоалари ўзаро беллашдилар.

Танлов бешта шарт бўйича ўтказилиб, жамоалар ўз куч ва билимларини, имкониятларини синаб кўриш, Шу билан бирга, суд-ҳуқуқ тизимида амалга оширилаётган ислохотларнинг мақсад ва моҳиятини, жамиятда ҳуқуқий маданиятни оширишга тааллуқли амалий тақлифларнинг кўргазмали чиқишларда намойиш этишди.

— Кейинги йилларда ёшларимизда ҳуқуқий билимларни эгаллашга интилиш кучаймоқда, — дейди Адлия вазирлиги масъул ходими Дилбаҳор Якубова. — Мазкур танловни ўтказишдан мақсад ҳам бўлажак ҳуқуқшуносларнинг назарий билимларини мустақамлаш, улар суд-ҳуқуқ ислохотлари мазмун-моҳиятини янада чуқурроқ билишига имкон яратиб беришдир. Танлов якунида голиблар аниқланди, уларга ташкилотчиларнинг диплом ва қимматбаҳо совғалари топширилди.

Зухра ҲАСАНОВА,
«Ўзбекистон овози» мухбири.

МАҲАЛЛА — ЧИНАКАМ МИЛЛИЙ ҚАДРИЯТЛАР МАСКАНИ

■ Маҳалла кишиларнинг меҳр-оқибатли бўлиб, ҳамжиҳатликда яшашда муҳим ўрин тутди. Шу боис, унга эътибор ва талаб тўбора ошиб бормоқда.

Мустақкам оила йилида жамият фаровонлашуви учун маҳалла институтининг таъсирчанлигини янада ошириш долзарб вазифа ҳисобланади.

Изобланган ҳимоядаги «Юқори» маҳалла фуқаролар йиғинида амалга оширилаётган ишлар кўпчиликига ибрат бўлиши мумкин.

— Маҳалламизда 602 та хонадон бўлиб, 3101 нафар аҳоли истиқомат қиладди, — дейди маҳалла фуқаролар йиғини раиси Мамаминжон Болтабоев. — Оилалар ўзаро аҳил-тўтов яшаб, тўй-томоша, хашар ва маъракаларни доим ҳамжиҳат ўтказишди.

Халқимизга хос урф-одат ва анъаналар ҳамиша маҳалла муҳитида яшаб келган ва ривожланган. Халқимиз «Маҳалла ҳам ота, ҳам она» деган ҳикмати бежиз айтмаган. Бу ҳаётий ҳақиқат ифодасидир. Шу боис оилалар тинчлиги, хотиржамлиги ва ўзаро иноқ ашши учун қайғураемиз. Қайнона-келин, фарзандлар ва ота-она муносабатидаги айрим келиш-мовчиликларни жойида ечишга ҳаракат қиламиз.

— Маҳалла халқимизнинг энг яхши анъаналари, урф-одат ва маросимларини асраб-авайловчи, уни ёш авлодга етказувчи катта оиладир, — дейди диний-маърифат ва ахлоқий тарбия масалалари бўйича масъул Шарибиддинов.

— Маҳалламизда руҳан ва фикран, жисмонан соғлом, иймон-эътиқоди мустақкам, билимли, маънавий олами бой ва ватанпарвар авлодини тарбиялашга катта эътибор берилди. Бола тарбиясида нозик ишда маҳалла фаоллари, дунё кўрган ота-она ва онақонлар алоҳида ўрин тутди. Уларнинг йўл-йўриқлари, панд-насиҳатларига каттаю кичик амал қиладди ва улардан ибрат олади. Маҳалламизда сиёсий-мафқуравий, маданий-маърифий, соғлом авлод тарбияси бўйича амалга оширилаётган ишлар оз эмас ва улар ўз самарасини берапти.

— Президентимиз Конституция байрамида маҳалла институти олдида

турган вазифалар ҳақида тўхталиб, ёш оилаларни ҳар томонлама қўллаб-қувватлаш, оила таънини бўлган аёллар оғирини енгил қилиш, жамиятда ҳар жиҳатдан соғлом турмуш тарзини қарор топширишда унинг ўрни беқиёс эканини таъкидлади, — дейди маҳалла фуқаролар йиғини фаоли Мухаббат Нажмидинова. — Бу борада Луғубек қишлоқ врачлик пунктида ишлаётган тиббиёт ходимлари, «Маҳалла» ва «Нуроний» жамғармалари, «Соғлом авлод учун» халқаро хайрия жамғармаси, «Қамолот» ва «Қамалак» каби нодавлат нотижорат ташкилотлар билан ҳамкорлигимиз яхши самара берапти. Биз бирга турли тадбирлар ўтказаямиз. «Соғлом она — соғлом бола», «Маҳалла манзилли ижтимоий ҳимоя маскани», «Ёшлар — мамлакат таянчи», «Биз диний экстремизмга қаршимиз» каби мавзуларда ташкил этилган двра суҳбатлари, семинар-тренинглар шулар жумласидандир.

Аммо ишмиизда камчиликлар ҳам йўқ эмас. Қизларни эрта турмушга узатиш, қариндошлар ўртасидаги ниҳок, тиббий кўрик масалаларига ота-оналар бироз локайд қарамапти. Бунинг салбий оқибатларини тушунтиришга ҳаракат қилаямиз. Яна шунинг ҳам айтиш керакки, маҳаллада оилавий тадбиркорлик, касаначилик ва ҳунармандчилик яхши йўлга қўйилмаган. Яқка тартибда тикувчилик билан шуғулланувчи хотин-қизларга ишини янада кенгайтириши учун шароит ярати бериш зарур. Бу эса ўз навбатида аҳоли бандлиги ва албатта оилалар фаровонлигига хизмат қиладди. Жамият ривожига эса мана шунга боғлиқ.

Гулрўх ОДАШБОВА,
«Ўзбекистон овози» мухбири.

Таълим

МАКТАБ ТАЪЛИМИ — КЕЛАЖАК ПОЙДЕВОРИ

— Мен 1988 йили мактабга борганман, — дейди пайриқлик Аслиддин Солибев. — Қишлоғимизда пастаккина мактаб бўларди. Синфимизда доска ва партилардан бошқа ҳеч нарса йўқ эди. Қиш ойларида йўллар лой, хоналар совуқ бўлгани учун кўпчилик мактабга бормасди... Ҳозир катта қизим шу мактаб ўрнида қурилган икки қаватли замонавий муассасада таълим олмақда. Катта спорт зали, лаборатория хоналари, компьютер синфи фарзандларимиз ихтиёрида. Қизимнинг китобларини, янги мактабни кўрган 5 яшар ўғлим ҳам ўқиниш ҳавасига тушиб қолган. Ҳар куни «Мен қачон мактабга бораман», деб тижирлик қилади.

Дарҳақиқат, бугун мамлакатимиздаги таълим масканлари ҳар қандай кишининг ҳавасини тортадиган замонавий қиёфа касб этган. Уларда ҳар томонлама баркамол, интеллектуал салоҳияти юксак фарзандларимиз дунёда ҳеч кимдан кам бўлмай таълим-тарбия олмақда.

ЮКСАК САМАРАЛАР

Президентимиз Ислам Каримов 2011 йилнинг асосий йиллари ва 2012 йилда Ўзбекистонни ижтимоий-иқтисодий ривожлантиришнинг устувор йўналишлари бағишланган Вазирлар Маҳкамасининг мажлисидаги маърузасида чуқур билим ва пухта касб-ҳунар тайёргарлигига эга ёш авлодни тарбиялаш жараёнини ўз ичига олган яхлит узлуқсиз таълим тизимини шакллантириш ишлари изчил давом эттириляётганини алоҳида қайд этди.

2011 йилда ҳам умумтаълим мактабларининг моддий-техник базасини мустаҳкамлаш борасида улкан ишлар амалга оширилди. Энг замонавий ўқув ва лаборатория жиҳозлари билан таъминланган, 46 минг 300 дан ортққ ўқувчига мўлжалланган 166 янги мактаб қурилди ва реконструкция қилинди, 151 мактаб капитал таъмирланди. Мамлакатимиздаги 852 мактабда замонавий ўқув компьютер синфлари ташкил этилди. Ҳозирги вақтда 9 минг 400 дан зиёд умумтаълим мактаби ёки жами мактабларнинг 96 фоизи «ZyNet» электрон ахборот тармоғига уланган.

Албатта, бундай рақамларни, таълим тизими ривожига қўлға киритилган натижаларга эриш мисолларини қўллаб келтириш мумкин. Лекин уларнинг мазмун-моҳияти, пировард мақсади бир нуктага

(Давоми. Боши 1-бетда.)

келиб туташади — буларнинг барчаси Ўзбекистон фарзандларининг пухта билим олиши, маънан юксалиши, қобилият ва салоҳиятини юзга чиқариши учун амалга оширилмоқда.

Қувонарлиси, бу савй-ҳаракатлар аллақачон ўз самараларини бера бошлади. Юртимиз ёшлари минтақа ва жаҳон миқёсида ўтказилаётган нуфузли фан олимпиадалари, кўрик-танловларда юқори натижаларни қайд этмоқда.

Ўзбекистон Халқ таълими вазирлигидан маълум қилишларича, 1995 йилгача мамлакатимиз мактаб ўқувчилари бирорта ҳам халқаро фан олимпиадасида иштирок этмаган. 1995-2011 йиллар давомида эса ўқувчиларимиз кимё, биология, физика, математика, информатика ва хорижий тиллар бўйича халқаро фан олимпиадаларида қатнашиб, жами 157 медални қўлга киритган. 2008 йили Тошкент шаҳрида ўтказилган кимё фани бўйича Менделеев номидаги 42-Халқаро олимпиадада иштирок этган 15 нафар ўқувчимиз битта олтин, битта кумуш ва 11 бронза, жами 13 медални қўлга киритиб, умумжамоа ҳисобида биринчи ўринни эгаллади.

Математика бўйича Германиянинг Бремен шаҳрида ўтказилган 50-Халқаро олимпиадада 3, Қозоғистон пойтахти Остона шаҳрида ўтказилган навбатдаги танловда эса 5 медал қўлга киритилди.

Мамлакатимизда ёш авлоднинг маънавиятини юксалтириш, эстетик диди ва тафаккурини тарбиялашга ҳам алоҳида эътибор қаратишмоқда. Президентимизнинг 2008 йил 8 июлдаги «Болалар мусиқа ва санъат мактабларининг моддий-техник базасини мустаҳкамлаш ва уларнинг фаолиятини янада яхшилаш бўйича 2009-2014 йилларга мўлжалланган Давлат дастури тўғрисида»ги қарори бунда муҳим омил бўлаётди.

Ҳозирги кунда халқ таълими тизимида 301 болалар мусиқа ва санъат мактаби ҳамда 2 ихтисослаштирилган мусиқа академик лицейи фаолият кўрсатяпти. Сўнгги уч йилда 119 янги болалар мусиқа ва санъат таълим муассасаси қурилиб, фойдаланишга топширилди. Улар замонавий ва миллий мусиқа чоғуларни, 45 номдаги ўқув қўланма ва ноталар, зарур мебель ва ускуналар билан таъминланди. Уларда 7 минг 500 нафарга яқин ўқитувчи ва концертмейстер мусиқа ва санъатнинг асо-

сий 13 йўналиши бўйича сабоқ бермоқда.

Давлат дастури асосида мусиқа ва санъат таълими ривожига берилган юксак эътибор, яратилаётган замонавий шарт-шароитлар натижасида ўқувчиларнинг халқаро танлов ҳамда фестивалларда қўлга киритаётган ютуқлари сони ва салмоғи тобора ошмоқда. 1992-2011 йилларда 306 нафар истеъодли ёшларимиз Франция, Италия, Германия, Буюк Британия, Руминия, Голландия, Польша, Россия, Украина каби давлатларда ўтказилган нуфузли халқаро танловларда иштирок этиб, юксак натижаларга эришди.

Фарзандларимизнинг мусиқа ва санъатта бўлган иштиёқи ҳамда интилишини қўлайлаштиришда юртимизда ташкил этилаётган турли танлов ва фестиваллар ҳам муҳим аҳамият касб этаётди. Халқ таълими вазирлиги тизимида мунтазам ўтказиб келинаётган Академик чоғулар ва астрада ижрочилиги, Халқ чоғулар республика кўрик-танловлари, «Янги авлод» болалар ижодиёт фестивали қаторига энди ҳар йили ўтказилаётган «Ягонасан, муқаддас Ватан» кўрик-танлови, «Болалик баҳор» республика болалар ижодий жамоалари фестиваллари ҳам қўшилди. Умумтаълим ҳамда болалар мусиқа ва санъат мактабларининг ягона тизим доирасида фаолият кўрсатиши натижасида мазкур кўрик-танлов ва фестивалларда қатнашувчи ёшлар сони муттасил кўпаймоқда.

СОҒЛОМ ТАНДА СОҒ АҚЛ

Ёш авлодни комил инсонлар этиб тарбиялаш, жамиятда соғлом муҳитни қарор топтиришнинг асосий воситаси сифатида юртимизда оммавий спортни ривожлантиришга катта эътибор қаратишмоқда. Президентимиз томонидан асос солинган Ўзбекистон Болалар спортини ривожлантириш жамғармасининг фаолияти умумийлиги ҳаракатга айланди. Айни пайтда қатор давлатлар бу жамғарма фаолиятини қимматли ва ноёб тажриба сифатида ўрганаётгани унинг аҳамиятини янада оширмоқда.

1991 йилда халқ таълими тизимидаги барча спорт иншоотлари, мактаб спорт заллари ва сузиш ҳавзаларининг сони 5,4 мингтага ташки қилган бўлса, 2012 йилга келиб бу кўрсаткич қарийб 7,8 мингтага етди. Бу фақат сон жиҳатидан олиб қараганда. Лекин уларнинг сифати ва фойдаланиш самарадорлиги масаласи ҳам борки, бу жиҳатларни умуман

қиёслаб бўлмайд. Илгари асосан шаҳарлару туман марказларида бўлган спорт иншоотлари мослаштирилган биноларда жойлашган, уларда замонавий инвентарлар нарида турсин, биргина кураш билан шуғулланиш учун оддий гиламлар ҳам етишмас эди. Бугунги кунда спорт мажмуаларимиз барча турдаги замонавий, дунё стандартлари талабига жавоб берадиган спорт анжомлари ва жиҳозлари билан таъминланган.

Энг чека худудларда ҳам замонавий спорт объектларининг кенг миқёсда қурилиши натижасида спорт билан мунтазам шуғулланидиган болалар сонининг сезиларли ортишига эришилди. Хусусан, 1991 йилда 200 мингга яқин ўғил-қиз спорт билан шуғулланган бўлса, ҳозир уларнинг сафи 1,6 миллиондан ошди.

Бу фарзандларимизнинг саломатлигида, жисмоний кўрсаткичларида ҳам намойён бўлмоқда. Жумладан, сўнгги беш йилда спорт билан шуғулланидиган 10-14 ёшдаги болаларнинг бўйи туртача 2,3, қизларнинг бўйи 2 сантиметрга ўсган, вазни эса тегишли равишда 2,6 ва 2,9 килограммга ошган, ўқувчилар ўртада ўткир респираторли вирусли инфекция билан касалланиш кескин камайган.

Соғлом турмуш тарзини шакллантириш, баркамол авлодни вояга етказишда спортнинг ўрни нақадар катта эканини бу соҳага қаратилган эътибор самаралари яққол кўрсатиб турибди. Бугун йигит-қизларимиз кўплаб халқаро турнирлар, китъа ҳамда жаҳон чемпионатлари, Олимпиада ўйинларида муносиб иштирок этиб, ҳеч кимдан кам эмасликларини амалда исботламоқда.

Президентимиз таъкидлаганидек, XXI асрда ҳам жисмоний, ҳам маънавий етуқ, интеллектуал бойликка эга бўлган авлод ва халқгина жаҳон миқёсидаги бугунги кескин мусобақада ғолиб бўла олади. Бу даврда моддий бойликлар эмас, кучли билим ва мустақам ироддага эга, ҳар томонлама баркамол авлодлар ҳал қилувчи аҳамият касб этади. Мамлакатимизда ҳар бир болага шахс сифатида ёндашилди, унинг замонавий билим олиши ва жисмонан чинқиши учун барча шароитлар яратилаётгани замирида ҳам ана шундай эзгу ва буюк мақсадларга эришиш орзуси муҳимасамдир.

Анвар САМАДОВ,
ЎЗА шарҳловчиси.



Хориж

ЮАНДА САВДО ҚИЛИШ

тақиқланди

Корея Халқ Демократик Республикаси маъмурияти мамлакат бозорларида Хитой валютаси бўлмиш юанда ва бошқа хорижий валютада савдо қилишни бутунлай тақиқлади, дея хабар беради «AFP» АА.



Маълумотларга қараганда, 2009 йили Шимолий Кореяда амалга оширилган пул ислоҳоти самара бермагач, мамлакат бозорларида хорижий валютада, айниқса, Хитой юанида савдо қилиш анча оммалашиб кетган эди. Эндиликда кимки хорижий валютада савдо қилаётган пайтда қўлга тушса, қаттиқ жазоланади. Унинг барча пул воситалари ҳуқуқни муҳофаза қилиш органлари томонидан мусодара қилинади. Шу боис тасарруфда хорижий валютаси бор фуқаролар банкдан уларни вонга алмаштириб олишлари шарт. Халқаро кузатувчилар ва экспертлар Шимолий Кореядаги бундай чора мамлакат бозорларида савдо билан боғлиқ муаммоларни келтириб чиқариши мумкинлигини алоҳида ўқирмоқдалар.

«УНУТИЛГАН» ТРОПИК КАСАЛЛИКЛАР

бутунлай бартараф этилади



Жаҳон соғлиқни сақлаш ташкилоти 2020 йилгача 10 та «унутилган» тропик касаллиқни сайёримиз бўйлаб бутунлай бартараф қилиш ташаббуси билан чиқди. Бу ҳақда ЖССТ раҳбари Маргарет Ченнинг ўзи

Лондонда қилган маърузасида алоҳида таъкидлади, дейилади «MedPage Today» нашрида чоп этилган хабарда. Бундай мақсадни забт этиш учун соғлиқни сақлаш ташкилотлари, фармацевтика компаниялари ҳамда ҳукумат ва хусусий ҳомийлар ўртасида ҳамкорлик битимларига эришилган.

«Унутилган» 10 та тропик касаллик бу лейшманиоз, Америка трипаносомози (Чагас касаллиги ҳам деишади), Африка трипаносомози (уйку касаллиги деб ҳам аташди), мовох, лимфатик филляриоз, онхоцеркоз, шистосомоз, фасциолез, трахома (шилликлик) ва гижжа касаллиқларидир. Мазкур юқумли касалликлар билан ҳар йили сайёрамизнинг миллиарддан ортққ аҳолиси хасталаниши оқибатида меҳнатга яроқсиз бўлиб қўлиб, мамлакатлар иқтисодиёти миллиардлаб доллар зарар қўради. «Унутилган» бу касалликлар асосан қолоқ, шунингдек, ривожланаётган давлатларда кўп тарқалади.

ЕВРОҲУДУДГА КИРМАЙ

иложи йўқ

Латвия 2014 йилнинг 1 январидан Европа Иттифоқининг ягона пул бирлиги — евро муомаласини жорий этмай иложи йўқ. Чунки Латвия Европа Иттифоқига аъзо экан, демак, евроҳудудга ҳам аъзо бўлиши керак, дея интервью берди мамлакат президенти Андрис Берзиньш «LNT» телеканалига.

Унинг айтишича, республика Европа Иттифоқига аъзоликка қабул қилинаётган пайтда евро пул бирлигига ўтиш бўйича зиммасига мажбурият олган. Шу боис ҳам бу масала бўйича умумхалқ референдумини ўтказишга ҳожат йўқ.

2010 йил март ойида Латвия ҳукумати 2014 йил 1 январдан еврони жорий этиш бўйича қарор қабул қилган. Бунинг учун республикадаги иқтисодий-молиявий кўрсаткичлар Маастрихт талабларига тўлиқ жавоб бериши шарт. Яъни, инфляция энг паст даражада бўлиши, бюджет тақчиллиги ялли ички маҳсулотнинг 3 фоизидан ошмаслиги шарт. «ФК» компанияси томонидан ўтказилган ва яқинда «Ир» журналида эълон қилнган ижтимоий сўров натижаларига кўра, мамлакат аҳолисининг 57 фоизи республикада евро жорий этилишига қарши фикр билдирган бўлса, 26 фоизи евроҳудудга киришни қўллаб-қувватлаб овоз берган. 18 фоиз иштинрокчи эса бу борада бир фикрга келмаганлигини баён қилган.

САҲРОИ КАБИР

Европани таъминлайду



Маълумки, 2009 йили келажақда Европани қуёш электр станциялари энергияси билан таъминлаш мақсадида бир неча компаниялар бирлашиб «Desertec санаот ташаббуслари» халқаро консорциумини ташкил этган эди. Консорциум келажақда Европанинг энергияга бўлган эҳтиёжининг 15 фоизини қоплашни ният қилган. Ушбу консорциумга Европадаги йирик «ABB», «Siemens» корпорациялари, шунингдек, «E.ON», «RWE», «Deutsche Bank» энергетика компаниялари ҳамда «Munich Re» сугурта компанияси аъзо бўлиб кирган.

«Desertec санаот ташаббуслари» халқаро консорциуми Европани соф энергия билан таъминлаш бўйича илк йирик лойиҳани амалга оширишни бошлади. Яъни, Сахрои Кабирнинг Тунис тасарруфидagi қўлларига 825 мингта қуёш батареяси қуришни консорциумга қарашли «Nur Energie» компанияси ўз зиммасига олди. Лойиҳага 400 миллиард евро миқдорда маблағ сарфлаш кўзда тутилган. Мазкур лойиҳа «TUNur» деб аталади, у икки босқичда амалга оширилди: биринчи босқич 2014 йилда якунланади, иккинчи босқич эса 2016 йилда. Бу қуёш батареялари тизими қуриб фойдаланишга топширилган, Европада 2 гигаваттга яқин электр энергияси етказиб берилади. Бу ўртача атом электр станцияси ишлаб чиқарадиган қувватдан икки баравар кўпдир. Айнан қуёш энергияси Европадаги 700 мингта уйни электр энергияси билан таъминлайди.

Яна шунга қайд этиш жоизки, «Lenta.ru» сайти хабар тарқатишича, қуёш электр станцияси 20 мингга яқин одамни иш билан таъминлайди. Қуёш электр станцияси қурилиши учун Сахрои Кабирнинг танланиши бежиз эмас. Тадқиқотларда кузатилишича, Марказий Европада қараганда Сахрои Кабирда қуёш уч баробар кучли нур сочади.

Қонун ва шарҳ

СОҒЛОМ РАҚОБАТ

Иқтисодийётни юксалтиришга хизмат қилади

Маълумки, рақобат муҳитини изчил ривожлантириш, монопол корхоналар фаолиятини назорат қилиш ва тартибга солишни янада тақомиллаштириш, ҳўжалик юритувчи субъектлар томонидан нархларнинг асоссиз оширилишига йўл қўймаслик иқтисодийётни модернизация қилишда муҳим вазибалардан ҳисобланади.

Республикада самарали рақобат сиёсати амалга оширилиши тўғрисида сўнгги йилларда товар ва хизматлар бозорининг монополлашуви сезиларли даражада қайтади. Айни пайтда монополияга қарши ишларнинг тартибга солиниши ҳамда изчил ривожланиб бораётган тадбиркорлик субъектларининг иқтисодийётдаги ўзаро муносабати рақобат тўғрисидаги қонунчиликни янада тақомиллаштириш заруратини тўғдирди.

Зеро, иқтисодийётнинг жаҳон иқтисодийётга интеграциялашуви кучайиб, молиявий муносабатларнинг янги шакллари ривожлангани сайин монополистик фаолиятни нафақат товар, балки молия бозорларида ҳам чеклашни бугун даврининг ўзи тақозо этмоқда.

Шу боис Президентимиз Мамлакатимизда демократик ислоҳотларни янада чуқурлаштириш ва фуқаролик жамиятини ривожлантириш концепциясида «Товар бозорларида монополистик фаолиятни чеклаш ва рақобат тўғрисида»ги Қонун бугунги кунда эскиргани ва замон талабларига жавоб бермай қолгани, «Рақобат тўғрисида»ги янги қонунни ишлаб чиқиш ва қабул қилиш зарурлигини таъкидлаган эди. Мазкур вази-фа ижросини таъминлаш мақсадида ишлаб чиқилган «Рақобат тўғрисида»ги Қонун Олий Мажлис Сенатининг 2011 йил декабрда бўлиб ўтган VII ялли мажлисида маъқулланди. Қонун 2012 йилнинг 7 январида матбуотда эълон қилинди ва кучга кирди.

Янги қонуннинг афзаллиги нимадан иборат? Ўзбекистон Республикасининг «Рақобат тўғрисида»ги Қонунда эски таҳрирдаги «Товар бозорларида монополистик фаолиятини чеклаш ва рақо-

бат тўғрисида»ги Қонунда белги-ланган қатор тушунчалар иқтисодий ривожланиш талабидан келиб чиқиб, янгича тавсифланди, рақобатнинг алоҳида мезонлари белги-ланди.

Хусусан, қонуннинг 4-моддасига кўра, рақобат — ҳўжалик юри-тувчи субъектларнинг (рақобатчиларнинг) мусобақалашуви бўлиб, бунда уларнинг мустақил ҳаракат-лари улардан ҳар бирининг товар ёки молия бозоридagi товар муо-маласининг умумий шарт-шароити-тига бир томонлама тартибда таъ-сир кўрсатиш имконини истисно этади ёки чеклайди.

Қонуннинг асосий афзалликларидан бири товар ва молия бозо-рида тадбиркорлик субъектлари-ни эркин ҳаракатланишига ва тенг рақобат муҳитида мусобақалашу-вига тўқсинлик қилувчи рақобатга қарши ҳаракатларнинг тартибга солинганлидир. Қонунда рақобатга қарши ҳаракатлар тушунчасига бо-зор иқтисодийётнинг ҳамда товар ва молия бозорларидаги рақобат соҳасидаги муносабатларнинг ри-вожланиш даражасидан келиб чи-ққан ҳолда баҳо берилди. Шунинг-дек, товар бозорларидаги муно-сабатларни молия хизматлари бо-зоридаги муносабатлардан фарқи аниқлаштирилди.

Товар бозорларида сотиш ёки алмаштиришни мақсад қилувчи фаолият натижаси бўлмиш маҳсу-лот ва товарлар айланади. Молия бозориди эса молия хизматлари муносабатлар объекти ҳисоблана-ди. Яъни, молия хизматлари пул маблағларини жалб этиш ва фой-даланиш билан боғлиқ фаолият бўлиб, унга банк, сугурта хизмат-лари, қимматли қоғозлар бозори-нинг профессионал иштирокчилар-и томонидан кўрсатиладиган хиз-матлар кириши кўрсатилади.

Шуни таъкидлаш жоиз-ки, қонунда монополистик фаолиятни нафақат товарлар бозориди, бал-ки молия бозори ва бир-жа савдосида ҳам тар-тибга солишнинг ҳуқуқий асоси яратилди. Шунинг-дек, биржа савдоларида монополияга қарши ме-ханализларни, ақсиллар-ни сотиб олиш, қўшиш ва бирлаштириш битимла-рини тартибга солиш ва назорат қилиш тартиб-қондаларини соддалаш-тириш бўйича қондалар мустаҳкамланди.

Қонунда ҳуқуқий демократик давлат ва фуқаролик жамиятининг зарур белгиси сифатида рақобат тўғрисидаги қонун ҳужжатларига риоя этилиши устидан жамоатчи-лик назорати тааллуқли қонда кўзда тутилди. Унга кўра, рақобат-ни ривожлантиришга кўмаклашиш ва истеъмолчиларнинг манфаат-ларини унга қарши ҳаракатдан ҳимоя қилиш мақсадига эга бўлган жамоат бирлашмалари рақобат тўғрисидаги қонун ҳужжатларига риоя этилиши устидан жамоатчи-лик назоратини амалга оширишга ҳақлидир.

Хулоса қилиб айтганда, мазкур қонун демократик бозор ислоҳот-ларини ва иқтисодийётни либерал-лаштиришни янада чуқурлашти-риб, тадбиркорлик субъектлари учун соғлом рақобат муҳитида му-собақалашим имконини кенгайти-ради ҳамда рақобатни ривожлан-тиришни янада рағбатлантиришга ва монополистик фаолиятни тар-тибга солиш механизмларини та-қомиллаштиришга хизмат қилади.

Даврон АХМАТОВ,
Ўзбекистон Республикаси
Президенти ҳузуридаги
Амалдаги қонун
ҳужжатлари мониторинги
институтини бош иллий ходими.

Оила муқаддас даргоҳ, ёш оила эса гўё навниҳолдир. У илдиз отиши, мустақам дарахтга айланиши учун ҳар икки томондан эътибор ва масъулият ҳамда ўзаро ишонч талаб қилинади.

МУСТАҲКАМ ОИЛА — КЕЛАЖАК БЕШИГИДИР

Афсуски, бугунги кунда айрим оилалар бир-икки йил ўтмасдан ажрашишга қарор қилишяпти. Бунинг сабаб-лари кўп, албатта. Қимлардир ҳали мустақил ҳаётга тайёр бўлмай, бир-бирини яхши ўрганмай турмуш қуришган-лиги, баъзи ҳолларда эса уларда жиндек сабр-қаноат етишмаётганилидир.

Бунда фақат ёшлар айбдор, десак, адашган бўла-миз, бевосита биз ота-оналарнинг хатолари ҳам қаттадир. Узимнинг касбим тақозоси билан гувоҳ бўлган бир ми-сонли келтириб ўтмоқчиман. Олий маълумотли, кўри-ни-шдан зиёлинома йигит тўйи бўлишидан икки кун аввал меннинг ёнимга келиб, шифокор кўригидан ўтди, деган, маълумотнома таъйрлаб беришини сўради. «Мен қандай қилиб тиббий кўриқдан ўтмаган одамга маълумотнома беришим мумкин?», дедим.

— Келишга келибсиз, келишни ҳам қақиринг, бир-галда кўриқдан ўтиб, қўйсангизлар яхши бўларди, — де-дим.

Аммо гапим унга маъқул келмади. Мен унга ҳеч қан-дай хизмат керак эмаслиги, тиббий кўриқдан ўтса, ўзига фойдаланишни тушунтиришга ҳаракат қилдим. Шу ўринда айтиш кераки, тиббий маданият масала-сидаги тарғибот ишларимиз ҳамма жойда ҳам кўнглида-гидек деб бўлмайди. Бу борада ота-оналаримизнинг ҳам бепарволиги кишини ўйга толдиради. Улар болаларига ўз вақтида тўғри панд-насихатлар қилмаётгани эртага қимматга тушиши мумкин.

Яна бир мисол, турмуш қурганига 3 йил ҳам бўлмаган йигит билан сўхбатлашиб қолдим. Ажрашаётган экан. Сабабини сўрасам, характеримиз тўғри келмади, деди.

— Ўртада икки яшар ўғлингиз бор экан, унинг тақдирини нима бўлади, — дедим.

— Боламдан воқ кечиб кетмайман, хабар олиб тура-ман, дея ўзини оқламоқчи бўлди.

— Унинг тарбияси нима бўлади, бола ота меҳрисиз қандай қимол топади?

— Нима қилай, ўзим учун ҳам яшашим керак-ку! Одам бир марта дунёга келади, — деди у.

Эҳтимол, унинг ростида ҳам ажрашишдан бошқа им-кони қолмагандир. Аммо турмуш қуришдан олдин нега чуқурроқ ўйлаб кўрмаган, бўлажақ ёштининг қим-лигини сўраб-суриштирмаган?

Бу каби саволлар ҳар бир кишини ўйлантирмасдан қўймайди. Мен бир касбда, яъни тиббиёт соҳасида 48 йилдан бери фаолият юритаётган инсон, қолаверса, 9 нафар фарзанднинг отаси, 30 нафар неварга, 10 нафар неварга, 5 келин, 4 нафар қуёвга ота сифатида, ота-оналаримиз-ни масъулиятли ва эътиборли бўлишга қақирмоқчиман. Зеро, оила муқаддас, уни асраш, энг аввало, ота-она-ларнинг бурчидир.

Ашур ЖАББОРОВ,
Қашқадорё вилояти, Қомаши тумани,
Чим Фуқаролар йигинига қарашли
ҳудудий шифохона бош врачси.

Аждодлар мероси — бебаҳо

СОҲИБҚИРОННИНГ ҲАРБИЙ САЛОҲИЯТИ ҲАҚИДА

Темурийлар тарихи давлат музейида сақланаётган экспонатлар сўзлайди

■ Амир Темури ҳақида сўз борганда тарихчилар, энг аввало, унинг ҳарбий қўшинни тузиш ва бошқариш, ҳарб санъатида ўз даври учун энг илгор янгиликларни жорий этишда беназир бўлганини эътироф этишади.



Кўпгина манбалар Темури армияси ўз замонасининг энг етакчи қурол ва техникаси билан таъминлангани, Соҳибқирон жаҳон ҳарб санъатида биринчи бўлиб қўшинни жанг майдонинда етти кўрга бўлиб жойлаштириш тартибини жорий қилгани, қўшин қанотларини жанг чоғида душман ҳужумидан муҳофаза қилиш ва аксинча, ғаним қўларининг ён томонидан айланиб ўтиб, унга ортдан зарба бериш мақсадида тузилган отлик қисм — кумбулни тузиб, ҳарбий санъат тарихида ўзига хос янгилик қилгани ҳақида гувоҳлик беради.

Хусусан, буюк Соҳибқироннинг армияга бўлган муносабати, уни илм ҳақида борасида амалга оширган ишлари, аскарларга ғамхўрлигидан ҳайратга тушган илм элчиси Руи Гонсалес де Клавихо ўз эсдаликларидан шундай ёзган эди: «Қўшин тўплаш тўғрисида фармон олиб эълон қилиниши билан аскарлар ўз оиласи, асбоб-аслаҳаси, мол-мулки билан миод ерига (жангчиларнинг тўпланиш жойи) етиб келган. Ўрдагоҳда ҳар бир қисм ва бўлимларнинг қодирлари тикилган. Оддий аскардан зобитгача ҳар ким ўз жойлашиш ўрнини аниқ билган. Барча ишлар тартиб-интизом билан, шовқин-суронсиз бажарилган. Қўшин билан бирга

қасоблар, арпа ва мева сотувчилар, новвойлар ҳам кўчиб юрган. Турли қасб эгалари аскарларга хизмат кўрсатган. Хатто кўнма ҳаммомлар ҳам жангчилар хизматида бўлган».

Бугун Темурийлар тарихи давлат музейида ташриф буюрганлар, айниқса, ёшлар бу ердаги Соҳибқирон ва авлодларининг беқиёс саркардалик салоҳиятини ўзида акт эттирган экспонатлар — пиёда ва отлик аскарлар совути, турли ҳажмдаги найзалар, камон ва ўқлар, қалқон ҳамда дубулғалар каби ўша даврнинг энг мукамал ишланган қурол-аслаҳаларидан ҳайратга тушади. Сабаби, бу нодир экспонатларнинг ҳеч бири Ўрта асрларга оид шунчаки қуроллар эмас, балки бебаҳо санъат асарлари ҳамдир.

Амир Темурининг дастаси фил суяги ва қимматбаҳо тошлардан ишланган қиличи фотонусхаси ана шундай ноёб ёдгорликлардан. У ясалиш усули, безаклари, металл қайта ишлаш технологияси, бир сўз билан айтганда, мукамаллиги билан бошқа қиличлардан ажралиб туради. Жумладан, қурол учун фойдаланилган металл жуда пишиқ ва эгиловчан хусусиятга эга бўлиб, бу ўша даврдаги темирчи-усталарнинг юксак маҳоратидан дарак беради. Эътироф этиш

керакки, Соҳибқирон Шарқда биринчилардан бўлиб армияга ўт сочар қурол — тўп (райд)ни олиб кирган. Темурийлар даврида бу қуролнинг бошқа турлари зарбзан, фаранги ва қозондан кенг фойдаланилган.

Музейда Амир Темурининг набираси Иброҳим Султонга тегишли 101.6 x 68.6 сантиметр ўлчамдаги совут ҳам сақланади. Совутнинг чидамлилиги ва нафислигини ошириш мақсадида ён, орқа ва олд томонларига жами 96 та металл тангачалар қопланган. Уларнинг устига олтин суви юритилган бўлиб, турфа безаклар билан зеб берилган. Совутнинг ўнг томонида, кўрак қисмининг юқори қисмида «Иброҳим Султон хазинаси учун ясалди» деган ёзув бор.

Унинг айнан temuрийзодага тегишли эканлигини тасдиқловчи далиллардан яна бири — Иброҳим Султон ҳукмронлик қилган Шероздаги «Китобхона» санъат мактабидан ишланган кўпгина буюмлар, шу жумладан, ҳозир Италиянинг Турин шаҳрида сақланаётган дубулғадаги безаклар айнан шу совутдагисини билан бир хил. Бундан ташқари, ундаги турли нақшлар шахзода томонидан 1424 ва 1430 йилларда кўчиртирилган Куръони Карим муқовасидаги белгиларга жуда ўхшаш.

Таъкидлаш жоизки, халқчалардан ташкил топган бундай совутлар temuрийлар даврида яратилган қурол-яроғларнинг энг замонавийси ҳисобланган. Чунки, бунгача бутун Шарқда тўр қўйлак шаклида пўлат симдан тўкилган илк Ўрта асрларга оид совут урф бўлган.

Соҳибқироннинг беқиёс қуч-қудрати ва юксак ҳарбий салоҳиятини ўзида мужассам этган экспонатлар орасида дастаси аждаҳони эслатувчи ноёб қилич ва унинг оқ нефрит тоши ҳамда олтиндан ишланган қини алоҳида қимматга эга. Тарихчилар тобланган пўлатдан ясалган бу қиличнинг мустақамлиги ва жимжимдор безакларини назарда тутиб, уни Ўрта асрларга оид бу турдаги қуролларнинг энг мукамал кўриниши сифатида эътироф этишади.

Ўқитувчи Р. ШОДИЕВ, ЎзРФА Темурийлар тарихи давлат музейи бўлим бошлиғи.

Ҳаёт йўлидаги биринчи масала — мактаб масаласидир

КАСБЛАРНИНГ ЭНГ УЛУҒИ



Муродбек ЗИЁ олган сурат.

■ Дунёдаги касблар ичида энг олижаноби ўқитувчиликдир. Айниқса, барчамиз бошланғич синф ўқитувчиларига ҳурмат-эҳтиром билан қараймиз. Чунки, бошланғич синф ўқитувчиси болаларга «Алифбо»ни, ёзишни ўргатади, бир сўз билан айтганда, таълим-тарбиянинг тамал тошини қўяди. Зангиота туманидаги 2-умумтаълим мактабининг бошланғич синф ўқитувчиси Мухайё Эргашева ана шундай шарафли касб эгаси.

— Ўқитувчилик касбини танлаганимдан, бошланғич синфларга таълим-тарбия бераётганимдан, кўргазмали фахрланаман, — дейди у. — Ҳар кун дарс бошлаш учун синф хонасига киришим билан болаларим биргалликда: «Ассалому алайкум, устоз!» — дея қутиб олганда меҳрим товланиб кетади, уларга борлигимни бахш этгим келади.

У дарсни ана шундай меҳр билан бошлайди. Илгор педагогик технологиялардан, кўргазмали қуроллардан фойдаланади, ҳаётини мисоллар келтиради. Дарс охирида ўқувчининг саволига саримий жавоб қайтаради, меҳр билан қайтадан тушунтиради. «Раҳмат, устоз!» — дейди ўқувчи қўлини кўксига қўйиб. Яна унинг

кўнгли тоғдай кўтарилади, ўқитувчилик касбини танлаганидан фахрланади.

Ҳа, «Ассалому алайкум, устоз!», «Раҳмат, устоз!» — сўзлари ҳам машаққатли, ҳам шарафли касб эгалари бўлган ўқитувчиларнинг умр мазмуни, қувончи, бахти!

Равшан ШОДИЕВ, «Ўзбекистон овози» муҳбири.

Иқтисод

ЯНГИ ТЕХНОЛОГИЯ — ЯНГИ ИШ ҲАҚИДА

ЎРИНЛАРИ

■ Урганч шаҳридаги «Мегафера» масъулияти чекланган жамият 118 минг АҚШ доллари миқдоридagi инвестиция ҳисобига Италиянинг нуфузли компанияларида тайёрланган энг сўнгги русумдаги дастгоҳлар олиб келиб ўрнатмоқда. Бу — маҳсулот сифатини ошириб, янги 10 та ишчи ўрни яратиш имконини берди.

«Мегафера» Ўзбекистон — Россия қўшама корхонаси замонавий турдаги меьбеллар ишлаб чиқаришга ихтисослашган. Корхонада тайёрланаётган эллик турдан ортиқ меьбел ва уй жиҳозлари нафақат вилоятда, балки қўшни ҳудудларда ҳам харидориги.

— Экспортбоп, рақобатбардош маҳсулот ишлаб чиқариш — бугунги куннинг талаби, — дейди қўшама корхона директори, партиямиз фаоли, вилоят Кен-

гаши депутати Муроджон Воисов. — Бу борада давлатимиз тадбиркорларга яратиб бераётган шарт-шароит қўл келмоқда. Янги технологияга асосланган ишлаб чиқариш қисқа мuddатда ривож топди, вилоятда саноат маҳсулотлари ишлаб чиқаришда ўз ўрнини эгаллашга эга бўлди. Ишчи-хизматчиларга яратиб берилган шарт-шароит туфайли бизда меҳнат қилишни хоҳловчи ёшлар кўпаймоқда.

Рўзимбой ҲАСАН, «Ўзбекистон овози» муҳбири.

Теннис

ДЕНИС «ДЭВИС КУБОГИ»ГА ТАЙЁРЛАНМОҚДА

■ Теннис бўйича Ўзбекистон терма жамоасининг етакчи ракетка устаси Денис Истомин Янги Зеландияда «Challenge» туркумга кирувчи «Burnie International» халқаро турнирида муваффақиятли иштирок этмоқда.



Мусобақанинг яққалик беллашувларида биринчи рақамда сараланган ҳамюртимиз дастлабки учрашувда мезбонлар вакили Жозе Статхэмни 6:4, 6:3 ҳисобида мағлубиятга учратди. Навбатдаги даврада Денис Истомин австралиялик Самуэль Грос билан рақобатлашади.

«Burnie International» халқаро турнири Денис Истомин учун теннис бўйича норасмий жаҳон чемпионати — «Дэвис кубоги» мусобақасига тайёргарлик босқичи вазифасини ўтади. Жорий йилнинг 10-12 февраль кунлари теннис бўйича Ўзбекистон терма жамоаси мазкур мусобақа доирасида сафарда Янги Зеландия теннисчилари билан куч синашади. Мамлакатимиз бош жамоаси таркибига Денис Истоминдан ташқари Фаррух Дўстов, Мурод Иноятов, Сарвар Икромов ва Темури Исмоилов сингари кучли ракетка усталари ҳам жалб этилган.

Зоҳир ТОШХҲАЕВ, (ЎЗА)

Тиббиёт масканларида

САЛОМАТЛИК МАЖМУАСИ

■ Реабилитация маркази Нукус туманига кираверишда, магистрал йўлнинг ўнг томонида жойлашган. Марказ ҳовлисида ногирон пенсионер Мухаммад ака Юсупов билан суҳбатлашиб қолдик.

— Мен кўп сиҳаттоҳларда бўлдим, касалхоналарда даволандим, нафи кам бўлди, — деди у. — Икки ҳафтадан кўпроқ шу марказда даволаниб, шифо топдим. Инсон саломатлиги ўрнини босадиган бошқа неъмат бўлмаса керак. Юрак безовта қилади, нафасим қисади, хуллас, ногирон бўлиб қолдим. Бу ерда беморлар учун барча шарт-шароит яратилган. Шифокор ва ҳамшираларга ҳар қанча раҳмат айтса арзийди. Ўзим Беруний туманида яшайман. Битта соғломлаштириш маркази бўлса, шунчалик бўлар-да!

Марказ 50 ўринга мўлжалланган, замонавий тиббиёт асбоб-ускуналар билан жиҳозланган, хоналар ёруғ ва иссиқ, овқатлари мазали. Суяк-мушак, асаб, юрак-қон-томир, озиқ-овқат ҳазм қилиш, нафас олиш йўли, буйрак ва пешоб йўли тизими касалликларидан хаста бўлган беморларга замонавий 25 та асбоб-ускуна билан жиҳозланган физиотерапия хоналари хизмат кўрсатмоқда.

— Ногиронларни физиотерапия усулида даволаш, лазер нури ёрдамида муолажа қилиш-

га катта эътибор қиламиз, — дейди шифокор физиотерапевт Аймурад Тилеумуратов. — Утган йилдан бошлаб иссиқлик билан даволанишнинг усулларидан бири — парафин-озокерит аппликациясини йўлга қўйдик.

— Кўнгирот тумани «Наврўз» фуқаролар йиғини ҳудудидаги «Кўк дарё» хўжалигидан келиб даволандим, — дейди ногирон-пенсионер Танжар Халмуратов. — Хўжалиқда кўп йиллар механизатор бўлиб ишладим. Қон босимим кучли бўлганидан азоб чекаман. Марказда даволаниб, шифо топдим, соғлигим тикланди.

— Мен Нукус шаҳридан келиб даволанганман, — деди Калбийка Бийсенова. — 1994 йилда жароҳат олган эдим, оёғим, қўлим, увишадиган бўлди. Марказда муолажаларнинг сифати яхши. Тоқ муолажаларини олдим. Соғлигимни тиклашда жисмоний тарбия яхши самара берди.

Марказ директори ўринбосари Сапаргул Ерлесоева ва Паррахат Уматов, Лайло Кенжабаева каби шифокорлар, Уркия Сапашева, Божгон Уразбоева, Эҳра Пирлесоева, Зийнеш Дау-

летниязова каби ҳамширалар ҳар бир беморга алоҳида меҳр билан муносабатда бўлади. Улар даволанувчиларга сифатли тиббий хизмат кўрсатишга астойдил ҳаракат қилади.

— Жамоамиз билан Мустақам оила йилида олдимизга эзгу мақсад қўйдик. Ҳар бир бемор дардига даво топиб, оиласи бағрига саломат қайтсин! Зеро, бу тиббий муассаса — саломатлиқни тикловчи мажмуа. Реабилитация марказини ободонлаштириш ишларини янада яхшилаш учун барча имкониятлардан фойдаланмоқдамиз, — дейди марказ директори Абдулла Сабуиров. — Ёрдамчи хўжалигимиз бор. Ҳосилга кирган бир гектар богимиз бор. Богимиздан олинган меьвалар билан нафақат ходимларни, беморларни ҳам йил бўйи таъминлаймиз. Бу йил баҳорда сабзавот, полиз, картошка экамиз, 50 бош парранда боқамиз. Бу йил уларнинг сонини 120 тага етказамиз. Марказимизнинг кишин-ёзин узлуксиз дуркун сабзавот билан таъминлаш учун иссиқхона қураямиз. Янгида ушга тушади.

Рейимбой ЕШИМБЕТОВ, «Ўзбекистон овози» муҳбири.

ТЕНДЕРНАЯ КОМИССИЯ ГАЖК «ЎЗБЕКISTON ТЕМИР ЙУЛЛАРИ»

продлеает тендер №3 2011 года на приобретение в 2012 году нижеследующего оборудования по лотам.

Приём заявок на участия в тендере продлен до 10 февраля 2012 года, до 18⁰⁰ по Ташкентскому времени. Условия оплаты — в течение 70 банковских дней с момента поступления товара на станцию назначения, выписки карточки ввоза и ГТД Руз.

Условия поставки — СРТ — Ташкент. За тендерной и технической документацией обращаться по адресу: г. Ташкент, ул. Т.Шевченко, 7. ГАЖК «Ўзбекистон темир йуллари», Управление «Темирйўленилгитаъмин», комната 410. Тел: 237-94-72, 237-96-33.

Ўзбекистон Халқ демократик партияси Марказий Кенгаши Ижроия қўмитаси Хайъати партия фаоли, иқтисод фанлари доктори, профессор Рўфат РАЗЗОҚОВнинг вафоти муносабати билан марҳумнинг оила аъзоларига чуқур ҳамдардик билдиради.

ОБ-ҲАВО 2-3 - 01-02. 2012

Юртимиз бўйлаб (°C)

Корақалпоғистон Республикаси ва Хоразм вилояти

-8 / -3 0 / -5

Бухоро ва Навоий вилоятлари

-4 / -9 0 / -5

Тошкент, Самарқанд, Жиззах ҳамда Сирдарё вилоятлари

-3 / +2 -4 / -9

Қашқадарь ҳамда Сурхондарё вилоятлари

0 / -5 -7 / -12

Андижон, Наманган ҳамда Фарғона вилоятлари

0 / -5 -3 / -8

Тошкент шаҳри

-1 / +1 -7 / +9

Дунё бўйлаб (°C)

Лондон -3 / -4

Париж 0 / 0

Москва -23 / -24

Мадрид 0 / 0

Пекин -12 / -11

Гонгконг +15 / +14

Рим +3 / +6

Анкара -11 / -13

Токио 0 / +1

Стокгольм -10 / -13

Кейптаун +18 / +17

Қоҳира +9 / +10

Гавана +20 / +20

Вашингтон +7 / +12

MUASSIS:



O'ZBEKISTON XALQ DEMOKRATIK PARTIYASI MARKAZIY KENGASHI

Bosh muharrir: Safar OSTONOV

TANHIR HAY'ATI:

Abdulla ORIPOV
Latif G'ULOMOV
Bobir ALIMOV
Sharbat ABDULLAYEVA
Murodulla ABDULLAYEV

Ulug'bek MUSTAFOYEV
Tat'yana KISTANOVA
(Bosh muharrir o'rinbosari)
G'affer HOTAMOV
(Bosh muharrir o'rinbosari)

MUHIDDIN MUHIDDINOV
OCHILBOY RAMATOV
Saidahmad RAHIMOV

BO'LIMLAR:

Partiya hayoti — 233-10-13; Madaniyat va sport — 233-69-45; Ijtimoiy hayot va iqtisodiyot — 233-44-55; Jamoatchilik bilan aloqalar va huquqiy targ'ibot — 233-12-56; Reklama va e'lonlar — 233-38-55, 233-47-80; Kotibiyat — 233-72-83, 236-55-17.

MANZILIMIZ:

100000, Toshkent, Matbuotchilar ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

*Sharq nashriyot-matbaa aksiyadorlik kompaniyasi bosmaxonasida chop etildi. Korxonaning manzili: Buyuk Turok ko'chasi, 41-uy. Gazeta ofset usulida, A-2 formatida bosildi. Hajmi 2 bosma taboq.

Gazeta seshanba, payshanba va shanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

e-mail: info@uzbekistonovozi.uz

Г — 246

19306

nusxada bosildi.

Sotuvda erkin narxda

t — Tijorat materiallari

O'zA yakuni — 20.00

Topshirilgan vaqti — 23.55

Navbatchi: ABDUBANNONOPOV

Sahifalovchi-dasturchilar: Sobirjon TUNG'ATOV, Zafar BAKIROV

ISSN 2010-7633

4 7 2 6 3 0 7 6 3 0 6

1 2 3 4 5